

Na osnovu provedenog postupka u skladu sa članom 90. Zakona o javnim nabavkama Bosne i Hercegovine, ("Službeni glasnik BiH", broj 39/14), Pravilnika o postupku direktnog sporazuma („Sl. glasnik BiH“, broj 90/14), Pravilnika o postupku direktnog sporazuma J.U. Zavoda za javno zdravstvo Kantona Sarajevo i na osnovu Odluke o prihvatanju cijene ponuđača broj:05.12.101-3967–Odluka o prihvatanju cijene/20 od 15.07.2020.godine, zaključuju sljedeće:

## **UGOVORO NABAVCI ROBE - KANCELARIJSKI NAMJEŠTAJ SA ISPORUKOM I MONTAŽOM**

**J.U. ZAVOD ZA JAVNO ZDRAVSTVO KANTONA SARAJEVO**, ulica Dr. Mustafe Pina broj I/III Ilidža - Sarajevo, identifikacioni broj: 4200329950003, kog zastupa Prof. dr. med. sci. Aida Pilav, direktorica (u daljem tekstu: Ugovorni organ)

i

„**SAN HG**“ d.o.o. Sarajevo, ul. Aleja Lipa broj 39, identifikacioni broj: 4201912360008, koga zastupa direktorica Nermina Glavić (u daljem tekstu: Izvršilac), zaključili su:

### **I PREDMET UGOVORA**

#### **Član 1.**

Predmet ovog Ugovora je nabavka robe – kancelarijski namještaj sa isporukom i montažom, za potrebe JU Zavod za javno zdravstvo Kantona Sarajevo, a prema Ponudi broj PR-11/20 i cijeni iz navedene Ponude.

#### **Član 2.**

Ugovorni organ naručuje predmetnu robu, a Izvršilac prihvata da isporuči istu, a na osnovu direktnog sporazuma i Odluke Ugovornog organa o prihvatanju cijene ponude.

#### **Član 3.**

Ugovorni organ i Izvršilac su saglasni da se Ugovor realizuje prema već definisanim uslovima u Pozivu za dostavu ponude broj: 05.12.101-3967-Poziv/20 od 08.07.2020. godine i ponudom Izvršioca broj: PR-11/20, a koji su sastavni dio ovog Ugovora.

#### **Član 4.**

U obim roba iz člana 2. ovog Ugovora podrazumijevaju se roba po prihvaćenim cijenama sa uračunatim poreskim obavezama (Prema specifikaciji iz Obrasca za cijenu ponude). Ukupna vrijednost ovog Ugovora iznosi 2.980,00 KM bez PDV-a, odnosno sa PDV-om 3.486,60 KM.

### **II NAČIN PLAĆANJA**

#### **Član 5.**

Ugovorni organ će platiti fakturu za isporučenu robu u roku od 30 (trideset) dana od dana prijema fakture, a nakon isporuke robe.

### **III ROK, MJESTO I NAČIN ISPORUKE ROBA**

#### **Član 6.**

Izvršilac se obavezuje da će u skladu sa članom 2. i 4. ovog Ugovora isporučiti robu Ugovornom organu i to u roku od 25 dana od dana obostranog potpisivanja Ugovora.

Izvršilac se obavezuje dostaviti predmetnu robu Ugovornom organu, propisanog kvaliteta, u traženim količinama i u dogovoreno vrijeme. Mjesto isporuke robe je sjedište Ugovornog organa na adresi: ul. Dr. Mustafe Pintola br. 1/III (dom zdravlja Ilidža) i na adresi: ul. Bulevar Meše Selimovića br. 2 (Dom zdravlja Kumrovec).

#### **Član 7.**

Izvršilac se obavezuje da će isporuku i montažu robe koja je predmet Ugovora izvršiti u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršene nabavke.

Ugovorni organ je dužan da dostavi pismeno obavještenje o svakom navodnom propustu Izvršioca po Ugovoru.

Ugovorni organ će utvrditi razuman rok za ispravku propusta Izvršioca u smislu izvršene nabavke i isporuke.

#### **Član 8.**

Ugovor stupa na snagu danom obostranog potpisivanja od strane ovlaštenih lica ugovornih strana, na period do izvršenja usluge iz čl. 1 ovog Ugovora.

U slučaju eventualnih primjedbi Ugovornog organa na kvalitet robe, Ugovor se može djelimično ili potpuno raskinuti i prije njegovog isteka, uz prethodno izmirenje svih obaveza utvrđenih po osnovu ovog Ugovora.

### **IV UGOVORNE KAZNE I NAKNADA ŠTETE**

#### **Član 9.**

U slučaju kašnjenja u isporuci roba, do kojeg je došlo krivicom odabranog Ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe, za svaki dan kašnjenja do urednog ispunjenja, a najdalje 5 kalendarskih dana s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe. Odabrani Ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa, u protivnom Ugovorni organ će umanjiti fakturu za navedeni iznos.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje izabrani Ponuđač nije mogao utjecati, niti ih predvidjeti.

Ukoliko Izvršilac na bilo koji način neuredno ispunjava preuzete ugovorne obaveze, a naročito u pogledu kvaliteta, kvantiteta roba i utvrđenih rokova, Ugovorni organ ima pravo raskida Ugovora i pravo da o trošku Izvršioca ustupi posao drugom Izvršiocu sa pravom naknade troškova uvođenja novog Izvršioca kao i pravo na naknadu mogućeg nastanka štete zbog neispunjenja Ugovorne obaveze.

#### IV PRELAZNE I ZAVRŠNE ODREDBE

##### Član 10.

Eventualno nastale sporove pri realizaciji ovog Ugovora, ugovorne strane će rješavati mirnim putem, u protivnom ugovara se nadležnost suda u Sarajevu.

##### Član 11.

Svaka od ugovornih strana može otkazati ovaj Ugovor pismenim putem uz otkazni rok od 15 (petnaest) dana iz svih razloga propisanih Zakonom o obligacionim odnosima.

##### Član 12.

Za sve što nije regulisano ovim Ugovorom primjenjivaće se odredbe Zakona o obligacionim odnosima.

##### Član 13.

Punovažne i obavezujuće su samo one izmjene i dopune ovog Ugovora koje su ugovorne strane sačinile sporazumno i u pisanoj formi.

##### Član 14.

Ovaj Ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

„SAN HG” d.o.o. Sarajevo  
DIREKTORICA



(Nermina Glavić)



Broj: U-06/20  
Sarajevo, 17.07.2020. godine

J.U. ZAVOD ZA JAVNO ZDRAVSTVO  
KANTONA SARAJEVO  
DIREKTORICA



(Prof. dr. sci. med. Aida Pilav)



Broj: 05.12.101-3967-Ugovor/20  
Sarajevo, 17.07.2020. godine

